

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVICI
OPĆINSKO VIJEĆE**



**BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVICI
MUNICIPAL COUNCIL**

**БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ**

*Tel. 035 743 458; Fax 035 743 456;
Adresa: Ulica Alije Dostovića br. 1, 75 290 Banovići*

Broj: 12-04-183/21

Datum: 31.03.2021. godine

Na osnovu člana 13. Zakona o principima lokalne samouprave u Federaciji BiH ("Službene novine FBiH" broj 49/06), člana 8. Zakona o ministarskim, vladinim i drugim imenovanjima Federacije BiH ("Službene novine FBiH" broj 12/03, 34/03, 65/13), člana 26. Statuta Općine Banovići ("Službeni glasnik općine Banovići" broj 2/20), Predsjedavajući Općinskog Vijeća Banovići objavljuje:

**JAVNI OGLAS
ZA IZBOR I IMENOVANJE PREDSJEDNIKA I ČLANOVA UPRAVNIH ODBORA JAVNIH
USTANOVA ČIJI JE OSNIVAČ OPĆINA BANOVICI**

a) Javne ustanove čiji je osnivač općina Banovići su:

1. Javna ustanova "Javna biblioteka" Banovići, bira se predsjednik i dva člana, dva člana upravnog odbora iz reda osnivača i jedan član iz reda zaposlenih.
2. Javna ustanova "Dječije obdanište" Banovići, bira se predsjednik i dva člana, jedan član upravnog odbora iz reda osnivača, jedan iz reda zaposlenih i jedan član iz vijeća roditelja.
3. Javna ustanova "Sportsko kulturni centar" Banovići, bira se predsjednik i dva člana, dva člana iz reda osnivača i jedan član iz reda zaposlenih.
4. Javna ustanova "Centar za kulturu i informisanje" Banovići, bira se predsjednik i dva člana, dva člana iz reda osnivača i jedan član iz reda zaposlenih.
5. Javna ustanova "Centar za socijalni rad" Banovići, bira se predsjednik i dva člana, dva člana iz reda osnivača i jedan član iz reda zaposlenih.
6. Javna ustanova "Centar za zaštitu, razvoj i promociju turizma" Banovići, bira se predsjednik i dva člana, dva člana iz reda osnivača i jedan član iz reda zaposlenih.
7. Javna zdravstvena ustanova "Dom zdravlja" Banovići, bira se jedan član iz reda osnivača, jedan član iz reda zaposlenih i jedan član imenovan od strane Ministarstva zdravstva TK.

b) Prava i obaveze Upravnih odbora su:

- Upravlja javnom ustanovom,
- Donosi opća akta ustanove,
- Imenuje i razrješava direktora javne ustanove,
- Utvrđuje planove razvoja i rada ustanove,
- Utvrđuje godišnji program rada,
- Donosi finansijski plan i usvaja godišnji obračun,
- Odlučuje o svim pitanjima obavljanja djelatnosti radi kojih je ustanova,
- Ako zakonom nije određeno da o određenim pitanjima odlučuje drugi organ,

- Usmjerava, kontroliše i ocjenjuje rad direktora,
- Rješava sva pitanja sa osnivačem,
- Odlučuje o korištenju sredstava preko iznosa utvrđenih aktima ustanove,
- Odgovara osnivaču za rezultate rada ustanove.
- Najmanje jednom godišnje podnosi osnivaču izvještaj o radu i finansijskom poslovanju ustanove,
- Vršil druge poslove u skladu sa zakonom, statutom i drugim aktima ustanove.

c) Mandat i naknada za rad

Predsjednik i članovi upravnog odbora imenuju se na period od 4 (četiri) godine, uz mogućnost ponovnog imenovanja u skladu sa zakonom.

Mandat može biti prekinut i prije protoka četiri godine iz razloga definiranih aktima osnivača I ustanove.

Imenovane osobe imaju pravo na naknadu u skladu sa Zakonom i uslovima utvrđenim općim aktima ustanove, i ista će se isplaćivati iz sredstava ustanove.

d) Opći uslovi za imenovanje

Svi kandidati za pozicije u regularnom organu koji je predmet ovog javnog oglasa moraju ispunjavati sljedeće opće uslove:

1. Da je državljanin BiH,
2. Da je stariji od 18 (osamnaest) godina,
3. Da nije otpušten iz državne službe kao rezultat disciplinske mjere (bilo na nivou države ili entiteta) u period od 3 godine prije objavljivanja upražnjene pozicije,
4. Da se na njega ne odnosi član IX.1 Ustav Bosne i Hercegovine (da nisu pod optužnicom Međunarodnog suda za ratne zločine u bivšoj Jugoslaviji),
5. Da se protiv njega ne vodi krivični postupak,
6. Da nije osuđivan za krivično djelo i za privredni postupak koji je nespojiv sa dužnošću u upravnom odboru, pet godina od dana pravosnažnosti presude, isključujući vrijeme zatvorske kazne,
7. Da nije na funkciji u političkoj stranci u smislu člana 5 Zakona o ministarskim, vladinim i drugim imenovanjima u FBiH ("Službene novine Federacije BiH" broj 12/03, 34/03, 65/13),
8. Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH (Službene novine FBiH broj 70/08),
9. Da nema privatni finansijski interes u javnoj ustanovi u koju se kandidira u smislu člana 2 tačke 1.2. Zakona o ministarskim, vladinim i drugim imenovanjima u Federaciji BiH.
10. Da nije lice kojem je pravosnažnom presudom suda zabranjeno obavljanje aktivnosti u nadležnosti javne ustanove u koju se kandiduje.
11. Da ne postoje druge zakonske smetnje za obavljanje poslova iz nadležnosti Upravnog odbora.

e) Posebni uslovi za imenovanje upravnog odbora

Za imenovanje predsjednika i člana upravnog odbora iz reda osnivača i reda zaposlenih, kandidat treba imati VII, VI ili IV stepen stručne spreme društvenog ili tehničkog smjera i radno iskustvo od najmanje 1 (jednu) godinu.

Posebni kriteriji za imenovanje predsjednika i članova upravnog odbora Javne zdravstvene ustanove Dom Zdravlja Banovići, definirani su Odlukom o kriterijima za imenovanja u upravni odbor JZU Dom zdravlja Banovići.

f) Pored općih i posebnih uslova za imenovanje u upravnom odboru kandidati treba da:

- uživaju ugled u lokalnoj zajednici,
- posjeduju odgovarajuće stručno znanje iz oblasti za koju se kandidiraju,
- nisu članovi više od jednog upravnog odbora,
- posjeduju sposobnost nepristrasnog donošenja odluka,
- posjeduju komunikacijske i organizatorske sposobnosti.

g) Potrebni dokumenti:

Uz prijavu na javni oglas kandidati su dužni priložiti:

1. Kraću biografiju, adresu i kontakt telefon,
2. Uvjerenje o državljanstvu, ne starije od 6 (šest) mjeseci,
3. Ovjerenu kopiju diplome,
4. Uvjerenje o radnom iskustvu,
5. Ovjerenu Izjavu kojom dokazuju da ispunjavaju ostale opće uslove iz tačaka 3. 4. 7. 8. 9. 10. i 11. Općih uslova za imenovanje.

Sva tražena i navedena dokumentacija mora biti u originalu ili ovjerenoj kopiji, a Izjava mora biti ovjerena od strane nadležnog organa.

Izjava navedena u tački 5. Može se dostaviti pojedinačno ili na jednoj izjavi.

U roku od 8 (osam) dana od dana imenovanja, kandidat koji bude konačno imenovan za člana Upravnog odbora javne ustanove, bit će dužan dostaviti sljedeću dokumentaciju javnoj ustanovi u kojoj bude imenovan, I to:

1. Uvjerenje da se protiv njega ne vodi krivični postupak,
2. Uvjerenje da nije osuđivan za krivično djelo i privredni prestup, nespojiv sa dužnosti u upravnom odboru.

Kandidat je dužan prilikom apliciranja na javni oglas, naglasiti za koju poziciju i u koju ustanovu se kandidira.

Podnosioci prijava s kojima se ne stupi u kontakt u roku od 15(petnaest) dana od dana isteka roka za podnošenje prijava, neće se uzeti u razmatranje u daljem procesu imenovanja.

Svi kandidati koji budu stavljeni na listu bit će pozvani na intervju. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnosti koje bi mogle dovesti do sukoba interesa u slučaju da dođe do njegovog imenovanja.

Prije intervjuja komisija može tražiti podatke od neposrednih ranijih poslodavaca i rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme.

Nakon intervjuja Komisija za izbor će predložiti rang listu sa najboljim kandidatima i dostaviti odgovornom javnom službeniku općine Banovići (Općinsko vijeće) na daljnje razmatranje i konačno imenovanje.

Konačna imenovanja će se objaviti u "Službenim novinama Federacije BiH" ili "Službenom glasniku općine".

Bilo koji kandidat ili zainteresirana stranka mogu podnijeti prigovor na konačno imenovanje, ako smatraju da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji Bosne i Hercegovine.

Prigovor na konačna imenovanja se podnosi odgovornom javnom službeniku općine, a kopija se dostavlja Ombudsmenu za ljudska prava BiH.

Javni oglas ostaje otvoren 14 (četrnaest) dana od dana objavljivanja u "Službenim novinama FBiH", dnevnom listu, službenoj web stranici općine Banovići i Oglasnoj ploči općine Banovići. Rok za podnošenje prijave računa se prema datumu objave oglasa u glasilu koje zadnje objavi ovaj oglas.

Prijave sa svim traženim dokumentima dostaviti lično ili preporučeno poštom na adresu. OPĆINA BANOVIĆI, ulica Alije Dostovića broj 1, 75290 Banovići sa naznakom "Prijava na oglas za imenovanje predsjednika i članova upravnih odbora" NE OTVARAJ.

Obrazac prijave moguće je preuzeti na web stranici Općine Banovići, (www.opcina-banovici.com.ba) ili u Centru za pružanje usluga građanima (šalter sala) općine Banovići.

Neblagovremene i nepotpune prijave se neće uzeti u razmatranje.

Ovaj se oglas može poništiti u svako vrijeme bez posebnog obrazloženja od strane organa koji ga je raspisao.

PREDSJEDAVAJUĆI OPĆINSKOG VIJEĆA



Robert Lapčević

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVICI
OPĆINSKO VIJEĆE**



**BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVICI
MUNICIPAL COUNCIL**

**БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ**

Tel. 035 743 458; Fax 035 743 456;
Adresa: Ulica Alije Dostovića br. 1, 75 290 Banovići

OBRAZAC PRIJAVE

Na javni oglas za izbor i imenovanje predsjednika i članova upravnih odbora Javnih ustanova čiji je osnivač Općina Banovići

Ime i prezime	
Datum i mjesto rođenja	
Adresa	
Kontakt telefon	
e-mail	
Naziv pozicije za koju se kandidira i naziv JU u koju se kandidira	

Uz obrazac prijave prilažem sljedeću traženu dokumentaciju:

1. Kraća biografija, sa adresom i kontakt telefonom,
2. Uvjerenje o državljanstvu,
3. Ovjerenu fotokopiju diplome,
4. Uvjerenje o radnom iskustvu,
5. Ovjerenu Izjavu kojom dokazujem da ispunjavam ostale opće uslove iz tačaka 3.4.7.8.9.10. i 11. Općih uslova za imenovanje.

U Banovićima, dana _____ 2021. godine

(Potpis kandidata)